

Broj P-5776.04-16  
Sarajevo, 23.11.2023. godine

Na osnovu člana 129. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06, 43/10), člana 40. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06), tačke VII. Plana zaštite i spašavanja ljudi i materijalnih dobara od prirodnih i drugih nesreća u KJKP „Park“ d.o.o. Sarajevo, člana 51. Statuta KJKP „Park“ d.o.o. Sarajevo - prečišćeni tekst, broj P-2802-3/21 od 31.08.2021.2023. godine, na 45. redovnoj sjednici održanoj dana 23.11.2023. godine, Uprava KJKP „Park“ d.o.o. Sarajevo, jednoglasno donosi sljedeću

## **ODLUKA**

**o formiranju Jedinice civilne zaštite opće namjene u KJKP „Park“ d.o.o. Sarajevo**

### **I OSNOVNE ODREDBE**

#### **Član 1.**

Ovom Odlukom formira se Jedinica civilne zaštite opće namjene u pravnom licu KJKP “Park” d.o.o. Sarajevo (u daljem tekstu: Jedinica opće namjene) i utvrđuju njeni zadaci, područje djelovanja, način popune ljudstvom i materijalno-tehničkim sredstvima, obučavanje i osposobljavanje, finansiranje i druga pitanja značajna za organizaciju i funkcionisanje ove Jedinice opće namjene.

#### **Član 2.**

Jedinica opće namjene u pravnom licu organizuje se, oprema i obučava za izvršenje zadataka na pružanju podrške: u provođenju mjera zaštite i spašavanja u fazi spašavanja i otklanjanja posljedica izazvanih prirodnim nesrećama, tehničko-tehnološki i drugim nesrećama (zemljotresi, poplave, klizišta, odroni, visoki snijeg i sniježni nanosi, olujni vjetrovi, mraz, grad, tuča ili led, velike suše, zaraznih bolesti ljudi, zaraznih bolesti životinja, zaraznih bolesti bilja i biljnih štetočina,

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d. 3386902212020028;  
Turkish Ziraat bank Bosnia d.d. Sarajevo  
1860001022085047

velikih požara i tehnoloških eksplozija, ekspanizija plinova, nesreća u drumskom saobraćaju, radioaktivnog zagađenje vazduha, vode i tla, opasnosti od mina i neeksplozivnih ubojnih sredstava) i te zadatke izvršava na lokalitetima i u objektima koji su u vlasništvu pravnog lica KJKP "Park" d.o.o. Sarajevo ili je isto korisnik tih objekata, na način predviđen ovom Odlukom.

Jedinica opće namjene iz stava 1. ovog člana, poslove iz svoje nadležnosti vrše od momenta angažiranja do momenta kada rukovodioci organa, službi i pravnih lica ne naredi prestanak njihovog angažiranja.

## **II FORMIRANJE, ORGANIZIRANJE I ZADACI JEDINICE CIVILNE ZAŠTITE OPĆE NAMJENE**

### **Član 3.**

U pravnom licu KJKP „Park“ d.o.o. Sarajevo formira se Jedinica opće namjene u formaciji voda kao operativna snaga radi neposrednog angažovanja na izvršavanju zadataka zaštite i spašavanja ljudi i materijalnih dobara od prirodnih i drugih nesreća, kao i na otklanjanju posljedica nastalih djelovanjem tih nesreća u skladu sa ličnom i materijalnom formacijom jedinice opće namjene.

Jedinica opće namjene se organizuje, oprema i obučava za izvršavanje zadataka na svim lokalitetima u Kantonu Sarajevo na kojima djeluje pravno lice, u kojima ima značajnu infrastrukturu – objekte, materijalno-tehnička dobra i ljude koja je potrebno štititi.

Pri organiziranju jedinice iz stava 1. ovog člana, polazi se od potreba i uvjeta koji su utvrđeni u Procjeni ugroženosti ljudi i materijalnih dobara od prirodnih i drugih nesreća i Planu zaštite i spašavanja ljudi i materijalnih dobara KJKP „Park“ d.o.o. Sarajevo.

### **Član 4.**

Jedinica opće namjene angažuje se, po pravilu, na pružanju pomoći u radu određenih Službi zaštite i spašavanja, a mogu se angažirati i na vršenju raznih zadataka u akcijama zaštite i spašavanja ugroženih i nastradalih ljudi od prirodne ili druge nesreće, za čije obavljanje nije potrebno posebno stručno znanje niti se koriste posebna tehnička i druga sredstva rada na izvršavanju tih zadataka.

U skladu sa odredbama člana 129. Zakona o zaštiti i spašavanju, Jedinica opće namjene u KJKP „Park“ d.o.o. Sarajevo poslove iz svoje nadležnosti vrši tako što se angažira kao podrška i pomoć u radu Službe zaštite i spašavanja -Službe za sječicu i uklanjanje oštećenih stabala sa zelenih površina i saobraćajnica KJKP „Park“ d.o.o. Sarajevo.

### **III LIČNA I MATERIJALNA FORMACIJA JEDINICE OPĆE NAMJENE**

#### **Član 5.**

Jedinica opće namjene se obrazuje u formaciji voda - tima prema ličnoj i materijalnoj formaciji utvrđenoj u skladu sa prilogom 1 ove odluke.

Formacijski oblik jedinice civilne zaštite opće namjene je Odjeljenje opće namjene sa 11 pripadnika.

Lična i materijalna formacija Jedinice civilne zaštite opće namjene utvrđena je u Planu zaštite i spašavanja ljudi i materijalnih dobara od prirodnih i drugih nesreća u KJKP „Park“ d.o.o. Sarajevo.

Lična formacija jedinica iz stava 1. ovog člana, sadrži ukupan broj ljudstva potreban za jedinicu, godine rođenja, vrstu stručne spreme i druge uvjete koje pripadnici jedinice moraju ispunjavati, a materijalna formacija, te jedinice sadrži vrstu i količine materijalno-tehničkih sredstava i opreme koja je potrebna za izvršavanje zadataka iz nadležnosti te jedinice.

### **IV POPUNA LJUDSTVOM I OPREMANJE MATERIJALNO-TEHNIČKIM SREDSTVIMA**

#### **Član 6.**

Popuna Jedinice opće namjene potrebnim ljudstvom vrši se prema njenoj ličnoj formaciji i to prema stručnoj spreml i drugim uvjetima koji su određeni ličnom formacijom.

#### **Član 7.**

Pravno lice vrši popunu jedinice potrebnim ljudstvom koje se nalazi u radnom odnosu u pravnom licu i oprema odgovarajućim materijalno-tehničkim i drugim sredstvima i opremom koja je potrebna za rad jedinice, a ista osigurava pravno lica iz vlastitih sredstava.

Lica imenovana u Jedinicu opće namjene data su u Tabeli 1. koja je prilog ove Odluke.

#### **Član 8.**

Opremanje jedinice vrši se namjenskom opremom i sredstvima kojima raspolaže pravno lice. Oprema i sredstva koja nedostaju, a utvrđena su u materijalnoj formaciji bit će nabavljena putem nabavke koju vodi nadležni organ.

### **V PODRUČJE DJELOVANJA JEDINICE OPĆE NAMJENE I NJIHOVO ANGAŽIRANJE**

#### **Član 9.**

Jedinica civilne zaštite opće namjene, poslove i zadatke iz svoje nadležnosti obavlja na svim lokatetima u Kantonu Sarajevo i u svim objektima čiji vlasnik ili korisnik je pravno lice KJKP „Park“ d.o.o. Sarajevo.

#### **Član 10.**

Jedinica opće namjene angažira se na zadacima zaštite i spašavanja u pravnom licu u vrijeme kada objekti, poslovne zgrade i imovina pravnog lica budu ugroženi prirodnom ili dugom nesrećom.

Jedinica opće namjene iz stava 1. ovog člana, poslove iz svoje nadležnosti vrši od momenta angažiranja do momenta kada rukovodioc pravnog lica odnonsno Štab civilne zaštite ne naredi prestanak njenog angažiranja.

#### **Član 11.**

Jedinica opće namjene poslove zaštite i spašavanja za koje su formirane, vrše u fazi spašavanja ljudi i materijalnih dobara koji su ugroženi ili nastradali djelovanjem prirodne ili druge nesreće i u fazi otklanjanja posljedica nastalih od tih nesreća.

Izuzetno od stava 1. ovog člana, određene jedinice civilne zaštite mogu se angažirati i u fazi preventivne zaštite kada prijeti neposredna opasnost od nastanka prirodne ili druge nesreće, kada se ocijeni da je neophodno angažiranje određene jedinice civilne zaštite, ako takvo angažiranje naredi nadležni štab civilne zaštite.

#### **Član 12.**

Kada se naredi angažiranje Jedinice opće namjene ona se priključuje Službi zaštite i spašavanja - Službi za sječu i uklanjanje oštećenih stabala sa zelenih površina i saobraćajnica KJKP „Park“ d.o.o. Sarajevo i izvršava one poslove na zaštiti i spašavanju koje naredi rukovodilac te službe, odnosno starješina te jedinice.

U toku vršenja poslova iz svoje nadležnosti, komandovanje jedinicom CZ vrše komandiri jedinice, u skladu sa odredbama člana 142. Zakona o zaštiti i spašavanju.

### **VI OBUČAVANJE JEDINICE CIVILNE ZAŠTITE OPĆE NAMJENE**

#### **Član 13.**

Pripadnici Jedinice dužni su obučavati se i osposobljavati za izvršavanje svojih zadataka u civilnoj zaštiti.

Obučavanje i osposobljavanje obavlja Načelnik Štaba u saradnji sa Službom zaštite i spašavanja i Službama civilne zaštite Kantona Sarajevo po nastavnim planovima i programima koje donosi direktor Federalne uprave civilne zaštite.

## VII FINANSIRANJE JEDINICE OPĆE NAMJENE

### Član 14.

Finansijska sredstva potrebna za obavljanje poslova iz nadležnosti jedinice opće namjene, kao i nabavku opreme i drugih tehničkih sredstava potrebnih za rad te jedinice, te za finansiranje zadataka iz članova 11. i 12. ove Odluke planiraju se i osiguravaju u Budžetu KJKP „Park“ d.o.o. Sarajevo.

Pripadnik Jedinice, kada učestvuje u zaštiti i spašavanju od prirodnih i drugih nesreća, obuci ili vježbi civilne zaštite ima pravo na novčanu naknadu u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06, 43/10).

## VIII PRELAZNE I ZAVRŠNE ODREDBE

### Član 15.

Dinamika i realizacija zadataka utvrđenih Odlukom za formiranje, opremanje i obučavanje Jedinice civilne zaštite opće namjene vršit će se u skladu sa prioritetima koji proizilaze iz Procjene ugroženosti ljudi i materijalnih od prirodnih i drugih nesreća KJKP „Park“ d.o.o. Sarajevo.

### Član 16.

Za realizaciju ove Odluke zadužuje se Načelnik Štaba i rukovodioc Službe zaštite i spašavanja, svako iz domena svoje nadležnosti.

### Član 17.

Ova Odluka stupa na snagu danom donošenja i objaviće se na oglasnoj tabli i web stranici Preduzeća.



PREDSJEDNIK UPRAVE  
DIREKTOR